

中國方志叢書·塞北地方·第三二號

據清·周碩勳纂修影印  
清·乾隆十年抄本

察哈爾省

# 延慶衛志略



成文出版社有限公司印行

1956/5



docuwer 文川网  
古籍书城  
入驻商家  
在文川网搜索古籍书城 获取更多电子书

中華民國五十九年四月壹一版

# 延慶衛志略

全一冊

發行人：黃 成 助

出版者：成文出版社有限公司

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：東南印製廠有限公司  
和平西路二段70巷83弄29號

內政部登記證內版台業字第一一四七號

延慶衛志序

神京北枕居庸層巒疊嶂扼要爭竒俯視  
畿輔控制邊關延慶一衛固儼然重地也  
明季兵燹舊志缺亡

國朝承平日久偃武修文各省衛治多分隸  
州縣凡山川人物皆散見於州縣志中故  
衛治完書絕少延慶為宣雲孔道輶車絡  
繹驛務殷繁州縣鞭長莫及仍存衛制令

docsriver 文川网  
入驻商家 古籍书城

在文川网搜索古籍书城 获取更多电子书

日延慶之不可無志視州縣為亟亟舊志  
荒畧因陋就簡久矣中州李公以孝廉出  
宰巖疆衛民愛之如邵父杜母綣綣以誌  
書未修為念乾隆乙丑秋

聖駕巡狩多倫諾爾由宣府度居庸回鑾余奉  
簡書勦役居庸公出舊志一編屬余增定  
乃於旅邸含毫吮墨博訪故老蒐羅載稽  
提綱挈領類分十二補舊志所未逮以應

李公之請若夫精談淹博將以俟之來茲  
敢曰徵文考獻其在斯乎昔太史公周遊  
天下登嵩岱涉江淮感激豪宕以發其滉  
漾無涯之思故其文卓絕百代稱良史余  
縱覽居庸山川游心騁目茫乎其無所得  
恨與古人志趣相隔雲泥後之君子掩卷  
興懷將謂我為何如也

乾隆十年歲在乙丑長至日楚長沙瀉寧

周碩勳題於潞河務關官署

延慶衛志畧

衛守備中州李士宣同校  
楚長沙為寧周碩勳編輯  
衛學訓導保安王隆泰訂  
拔貢生盤屋縣丞張欲達詮次

紀事

延慶衛乃古上谷地控制關山昔為形勝之區又  
為用武之地自燕秦以及五代之季幾戰幾爭生  
民之塗炭極矣其間幸際承平得安於無事者皆  
廟堂之賜也上下數千百年間凡見諸載藉者搜羅



採輯以俟後之籌邊者攷訂焉其大要可知也

秦滅燕命蒙恬築長城起臨洮至遼東延袤萬里史記

居庸關在昌平西北四十里元翰林學士王輝謂始皇

築長城居息庸徒於此故以名焉稿 呆齋

居庸南臨都軍因名都軍關北齊改為納款關括地志

居庸關亦名薊門關十道志居庸關亦謂之冷涇問次稿

太行山南自河陽懷縣迤遑北出直至燕北無有間斷

此其為山不同他地蓋數千百里自麓至脊皆險峻

不可登越獨有八處相通微徑名之曰涇八涇一軹

行涇三白涇四灌口涇五井涇六飛狐涇七蒲陰涇八都軍涇居庸關者其最北之

第八陁也此陁東西橫亘五十里而中間通行之地

才濶五步

北邊  
備對

居庸關在上谷沮陽城東南六十里絕古累石崇墉峻

壁山岫層深側道褊狹林障邃險路僅容軌曉禽暮

獸寒鳴相合羈官遊子聆之莫不悲傷

水經注

居庸關在順天府北一百二十里兩山夾峙一水旁流

關跨南北四千餘里懸崖峭壁最為要險關南重巖

疊嶂若奇吐秀蒼翠可愛為京師八景之一名曰

居庸疊翠

一統志

羅璧識遺曰河北以居庸關要關居燕百里外即漢

谷郡其山西連太行東垣遼海狼居胥諸山為襟帶  
閼南相通處踔遠兩崖間風起人行或為所掀彭文  
子謂隘如線側如傾其峻捫參其降趨井下有澗巨  
石磊塊凡四十五里艱折萬狀山北寒氣先山南兩  
月在大都東北一百二十里至閼南口入閼山行四

十五里出北口

通鑑綱目

使者入上谷耿况迎之於居庸閼

後漢書

漢建武十五年徙雁門代郡上谷三郡民置常山居庸

閼以東

後漢書

漢安帝元初五年冬鮮卑入上谷攻居庸閼建光元年

復寇居庸

後漢書  
鮮卑傳

公孫瓚攻拔居庸生擒劉虞

後漢書  
本傳

居庸關南口亦謂之西關田疇自選家客二十騎上西

關出塞傍北山直起朔方是也

三國志

晉惠帝元康四年居庸地裂廣三十六丈長八十四丈

水出

晉書五  
行志

晉成帝咸康六年慕容皝帥諸軍入蠕蠕塞直抵薊城

永和六年慕容廆使慕容霸將兵二萬自東道出徒

河慕容興于自西道出蠕蠕塞又太元十年慕容垂遣

慕容農出蠕蠕即居庸音轉耳

方輿  
紀要

魏道武伐燕遣將軍封真等從東道出軍都襲幽州亦

謂之渾都史記絳侯周勃世家屠渾都是也經世要

宋文帝元嘉間聞魏世祖殂欲謀北伐青州刺史劉興

祖以宜長驅中山據其險要西拒太行北塞都軍若

能成功清壹可待南史

魏明帝孝昌元年杜洛周聚眾反於上谷魏以幽州都

督元譚討之自盧龍塞至都軍閔皆置戍守元譚屯

兵居庸關魏書

齊文宣帝天保五年十二月帝北巡至達達嶺覽山川

險要將起長城六年發夫一百八十萬人築長城自

幽州北夏口即今南口至恒州九百餘里北齊書

則天時侍御史桓彥範受詔於河北斷塞居庸岳嶺五

迴等路以徭突厥舊唐書

唐武宗會昌元年張仲武討幽州遣軍使吳仲舒奏狀  
言幽州糧食皆在媯州及北邊七鎮萬一未能入則

據居庸關絕其糧道幽州自困矣通鑑

昭宗乾寧元年晉王李克用破新州李匡籌發兵出居

庸關克用使精兵夾擊之匡籌敗走進軍幽州舊唐書

遼太祖神冊二年遣兵攻晉幽州節度使用德威以兵

拒於居庸關之西合戰於新州東大破之斬首三萬

餘級六年晉新州防禦使王郁以所部山北兵馬來

降帝率大軍入居庸闕遼史

聖宗統和四年遣使賜樞密使耶律斜軫密旨及彰國

軍節度使杓瓜耶以趨征討又詔兩部突騎赴蔚州

以助蕭撻覽橫帳郎君老君奴率諸郎君巡徼居庸

之北九月以大軍南征次儒州十月命新州節度使

蒲里打選入分道巡檢甲辰出居庸闕遼史

延禧保大二年金人逼行宮遼主率衛兵走雲中十一

月聞金兵至奉聖州率衛兵屯於落昆髓蕭德妃以

勁兵守居庸厓石自崩成卒壓死不戰而潰遼史

金天輔六年十二月伐燕京望率兵七千先至迪古乃

出得勝口銀木奇出居庸關婁室婆盧火為左右翼

取居庸關丁亥次媯州戊子次居庸關金史太祖本傳

金胡石改從婁室擊敗遼兵二萬於歸化之南遂降歸

化從取居庸關及其山谷諸屯胡石改傳

天輔七年金溫迪罕蒲里特自儒州至居庸關執其喉

舌入溫迪罕蒲里特傳

天會元年以幹魯為都統幹高不副之使襲遼主于陰

山至居庸關獲林牙耶律大石金史文宗本紀

大定二年詔居庸關稽察契丹奸細捕獲者加官賞金史



世宗  
本紀

大安三年元兵來侵于家奴胡沙敗績於會河堡居庸

失守  
金史衛紹王本紀

金大安三年八月元及金師戰於宣平之會河川敗之

九月拔德興府居庸關守將遁去是月察罕克奉聖

州  
元史太祖本紀

元師伐金金人特居庸之塞冶鉄銅閉門布鉄蒺藜百

餘里守以精銳札八兒使金還太祖進師距關百里

不能前召札八兒問計對曰從此而北黑樹林中有

間道騎行可一人臣向嘗過之若勒兵銜枚以出終

docsriver 文川网  
入驻商家 古籍书城

在文川网搜索古籍书城 获取更多电子书

夕可至太祖乃令札八兒輕騎前導日暮入谷黎明  
諸軍已在平地疾趨南口金鼓之聲自天而下金人  
猶睡未知也比驚起已莫能支吾鋒鏑所及流血蔽

野閱既破中都大震元史札八兒傳

元太祖八年七月元克宣德府遂攻德興府拔之進至

懷來及金行省完顏綱元師高琪戰敗之追至北口

金兵保居庸契丹訛魯不兒獻北口遮別遂取居庸

元史太祖本紀

武宗至大四年增置居庸關屯軍防守四十三處五十

千戶所置隆鎮萬戶府以統之仁宗皇慶元年始改

為陸鎮衛

元史兵志此置衛所由來也

致和元年七月秦定帝崩於上都樞密使燕帖木兒迎

懷王於江陵立為皇帝八月調諸衛軍守居庸關梁

王王禪等其黨率兵自上都分道犯京師次榆林九

月燕帖木兒督師居庸關遣撒敦以兵襲上都兵於

榆林擊敗之追至懷來而還

元史文宗本紀

元至正十九年子規啼於居庸關

瓊台會稿

至正二十三年三月辛巳樞密副使朵兒只以賊犯順

寧命鴉鶻由北口出迎敵二十四年三月壬寅禿堅

鉄木兒兵入居庸關癸卯知樞密院事也達詹事不

蘭奚逆戰于皇后店七月丙戌孛羅帖木兒前鋒軍  
於居庸闕皇太子親率軍禦於清河也速軍於昌平  
軍士皆無闕志皇太子馳還都城元史順帝紀

明太祖洪武元年元擴廓帖木兒將由保安逕居庸以

攻北平徐達常遇春乘虛襲太原擴廓至保安還軍  
救之達遣精兵夜襲其營擴廓以十八騎北走擁兵

侵掠塞上西北邊苦之

元史夏擴廓帖木兒傳

建文元年秋七月燕王棣舉兵及都指揮俞瑱走居庸

闕都督宋志退保懷來己卯陷居庸甲申陷懷來

忠俞瑱皆力戰死丙戌谷王穗奔京師

明史建文帝紀

洪武三十二年改隆鎮衛為隆慶衛靖難兵起燕王曰

居庸關路狹而險北平之襟喉也百人守之萬夫莫

窺必據此乃無北顧憂永樂二年添置隆慶左右二

衛領千戶所五分布官軍屯田於關山南北俾且耕

且守額軍一萬四千有奇以為京師北面之固方輿

穆宗改元因衛名與年號同改隆慶衛為延慶

明紀

方輿  
紀要

懷宗十七年甲申三月十二日闖賊李自成破居庸關

八達嶺守備余希祖死之

軼史

闖賊長驅入京復留餘孽虎踞關門軍民大遭荼毒

本朝定鼎命四固山蕩掃寇氛遶委副將石萬鐘駐居庸

勞來安集一二遺黎始慶更生

舊志

雍正二年奉文裁衛以八達嶺為界嶺東南歸併昌平  
州西北歸併延慶州奉衛士民余兆龍王廷立陳世  
維揚天標等將種種不便情由籲請仍舊制院李公  
維鈞題留仍屬衛治

舊志





閔 隘 兵防附

居庸為薊鎮三閔之一嘗論大寧與和開平等大  
邊猶外垣也三閔其內戶也自井陘西北數百里  
崇崗複嶂扼為居庸為神京北門鎖鑰與紫荆倒  
馬二閔俱近在肘腋易曰王公設險以守其國所  
由末也久矣歷朝以來幾費經營前人之勞蹟何  
可忘也

居庸南口閔夾澗而城左右可三四十步行十五  
里峰  
回路轉有城翼然而立者實為居庸地勢較廣而  
倍之又十里則居庸上閔再上二十五里至八達鎮



蓋由南口至是凡五十里巖巒複合兩崖如削所謂

一夫當關萬夫莫前者也

復宣鎮記

居庸關南口有城南北二門魏書謂之下口常景傳都

督元譚據居庸下口是也北齊書謂之夏口

昌平山水記

按南口城距衛城十五里前明永樂二年建崇禎十二

年重修東西城環跨兩山開設南北城門顏其額曰

關南鎖鑰民廬市廛頗稱稠密北來者自八達嶺進

關溝四十餘里群山環抱鳥道羊腸至此稍覺開爽

是又一境界也門垣年久坍塌雍正十二年衛守備

駱飛熊請帑修葺

明太祖既定中原付大將軍徐達以修葺之任即古居  
庸闕舊址壘石為城上即今景泰初王師敗於土木兵  
部尚書于謙言宣府京師之藩籬居庸京師之門戶  
亟宜守備乃以僉都御史王鏊鎮居庸修治沿邊闕  
隘因舊闕地狹人稠度闕南八里許古長坡店創建  
城垣即今延慶衛城也週圍一十三里三十七步有  
奇東跨巽山之上而跨兌山之巔南北二面築於兩  
山之中高四丈一尺厚二丈六尺東西兩面依山建  
築高厚不等東山之下開水門二道以資山水宣洩  
之路內外城樓砲台計二十有二憲宗成化七年兵

科給事中秦崇上言請重修居庸等關謂富家尚高  
墻壘以防寇盜况國都守所司因循未便上勅巡關

御史督修之

舊志

按四鎮三關志以今延慶衛城為洪武時所建據本衛  
舊志以為創自景泰初年以應從舊志為是

居庸關前明戍守邊界東至西水峪口黃花鎮界九十

里西至鎮邊城墜子谷口紫荆關界一百二十里南

至榆河驛宛平縣界六十里北至土木驛宣府界一

百二十里

四鎮三關志

自南口而上兩山之間一水流焉而道出其上十五里

為關城跨水築之有南北二門前明以參將一人通

判一人掌印指揮一人守之

來居庸紫荆二關按視焉

昌平山水記

上關城即古居庸關舊城也前明自大將軍徐達經理後永樂二年重修宣德間工部侍郎許廓又重修景泰以後建衛城於古長坡店上關居民寥寥康熙五十四年山水陡發西崖巨石冲塌而下致將北門都塞行旅不通

欽差內務府趙用壯夫千百轉移不動後以醋淬火燬督石工鑿之旬日乃裂其石蹟魄礪猶當道未去也乾隆十年乙丑奉衛守備李士宣修治得成坦途關

城坍塌者請帑補葺

八達嶺元人所謂北口是也以守備一人守之自八達嶺下視居庸若建瓴若闕井故昔人謂居庸之險不在關城而在八達嶺而岔道又八達嶺之藩籬元人於北口設兵洵得地形之便者

昌平山水記

八達嶺去關北三十里墉垣漸崇驅馬而南勢若建瓴先年經畧大臣劄城置守於此誠得扼險之要

四鎮三關志

八達嶺為居庸外關宣雲孔道通獨石張家殺虎三口城垣跨東西兩山之中明孝宗弘治十七年甲子經畧邊務大理寺卿吳一貫規畫創修武宗正德十年

docsriver 文川网  
入驻商家 古籍书城

在文川网搜索古籍书城 获取更多电子书

北虜入寇由大白羊掠八達嶺將窺居庸允兵部尚書王瓊之請以都督劉暉叅將桂勇賈鑑等在兵戎守增修八達嶺邊牆跨東山至川草花項上以峻山為限迤東接橫嶺口復接黃花路驢兒駝界西接石峽峪至鎮邊路白羊城軟棗頂沿邊汛防兵長一百三十一里二分設樓台九十座老舊

謹按

國家守在四夷漢南北皆成內疆守衛既密邊計自嚴所謂象志成城不時兵威而四夷賓服何況京城百里之外哉所有附近車衛沿邊隘口及前明兵志錄之係以備改

居庸重鎮時平為上谷之襟喉事亟真北門之鎖鑰不



惟雄臨朔漠抑且險類峭亟關西各隘自晏磨峪口  
 起至紫荆關沿河口兵二十七處俱係山前隘口白  
 火石口起至合河口止兼懷來各隘共九處俱係山  
 後隘口前後相距遠近不同或七八十里或四五十  
 里山川錯離路徑紆迴林密地險寇不得馳東田集  
 居庸路東自門家谷口西至糜子谷口延袤一百五十  
 里南至關北至永寧城隘口二十灰嶺下隘口十門  
 家谷口灰嶺口賢莊口錐石口雁門口德勝口虎峪  
 口雙泉口養馬谷西山谷俱嘉靖十五年建邊城二十六里  
 附牆台七座八達嶺下隘口七石佛寺口青龍橋東